



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KTPO 0018808 20

Sarajevo, 01.07.2022. godine



SUDU BOSNE I HERCEGOVINE
Sudiji za prethodno saslušanje
Na broj: S1 2 K 040876 21 Krn

SARAJEVO

Na osnovu člana 35. st. 2. tačka i), čl. 226. stav 1. i člana 227. stav 1. ZKP-a BiH,
podizem:

OPTUŽNICU

PROTIV:

ADNANA ČORBEGOVIĆA,

rođenog 1994. godine u Zenici,
državljanina Bosne i Hercegovine,

Zbog postojanja osnovane sumnje da je ADNAN ČORBEGOVIĆ:

u svojstvu vlasnika proizvodnog obrta „proizvodni obrt pekara „PARIZ“ vlasnik Čorbegović Adnan, Zenica“, [REDACTED], u periodu januar 2016-decembar 2018. godine, upravljao proizvodnim obrtom na način da je vršio promet dobara koji je predmet oporezivanja shodno članu 3. Zakona o PDV-u, koji promet, odnosno prihod po istom nije evidentirao, niti pripadajući izlazni PDV u Upravi za indirektno oporezivanje podnesenim mjesečnim PDV prijavama samooporezivanja poreskog obveznika-proizvodnog obrta, a sve sa namjerom da svjesno izbjegne prikazivanje, obračun i prijavljivanje obaveze izlaznog PDV-a u ukupnom iznosu od 58.070,33 KM, na način da je Adnan Čorbegović putem opisanog proizvodnog obrta:

-za 2016. godinu ostvario i putem fiskalne kase prijavio ukupan promet u iznosu od 253.413,26 KM, dok je za isti period u polju 11 PDV prijava prijavio ukupan bruto promet u iznosu od 162.730,00 KM, te je u navedenom periodu prijavio manje bruto prometa od ostvarenog za iznos od 90.683,26 KM, od čega se na osnovicu odnosi 77.507,07 KM, a na PDV se odnosi 13.176,19 KM, samim tim manje obračunao i prijavio pripadajućeg PDV-a u opisanom iznosu od 13.176,19 KM

-za 2017. godinu ostvario i putem fiskalne kase prijavio ukupan promet u iznosu od 289.794,20 KM, dok je za isti period u polju 11 PDV prijava prijavio ukupan bruto promet u iznosu od 166.016,00 KM, te je u navedenom periodu prijavio manje bruto prometa od ostvarenog za iznos od 123.778,20 KM, od čega se na osnovicu odnosi 105.793,35 KM, a na PDV se odnosi 17.984,85 KM, te samim tim manje obračunao i prijavio pripadajućeg PDV-a u opisanom iznosu od 17.984,85 KM

-za 2018. godinu ostvario i putem fiskalne kase prijavio ukupan promet u iznosu od 333.785,47 KM, dok je za isti period u polju 11 PDV prijava prijavio ukupan bruto promet u iznosu od 144.910,00 KM, te je u navedenom periodu prijavio manje bruto prometa od ostvarenog za iznos od 188.875,47 KM, od čega se na osnovicu odnosi 161.432,05 KM, a na PDV se odnosi 27.443,42 KM te samim tim manje obračunao i prijavio pripadajućeg PDV-a u opisanom iznosu od 27.443,42 KM

pri čemu je Čorbegović Adnan vršio ovjeru, potpisom i otiskom pečata opisanog proizvodnog obrta, PDV prijava tog proizvodnog obrta za navedeni period 2016-2018. godina sa netačnim podacima o obavezi PDV-a, odnosno davao je lažne podatke o stečenim oporezivim prihodima, čime je nezakonito i neosnovano umanjio poreznu (PDV) obavezu tog proizvodnog obrta, te izbjegao prikazivanje, obračun, prijavu i plaćanje izlaznog PDV-a u opisanim iznosu od ukupno **58.604,45 KM**, po gornjoj

strukturi na godišnjim nivoima, u kojem iznosu je ošteti Budžet BiH, postupajući protivno odredbama članova 38., 39. Zakona o PDV-u (Službeni glasnik BiH, broj 09/05, 35/05, 100/08, 33/17),

Dakle, Adnan Čorbegović, u svojstvu vlasnika poreskog obveznika „proizvodni obrt pekara „PARIZ“ vlasnik Čorbegović Adnan, Zenica“ u periodu januar 2016-decembar 2018. godine upravljao je proizvodnim obrtom, na način da je izbjegao platiti davanja propisana poreznim zakonodavstvom Bosne i Hercegovine pružanjem lažnih podataka o činjenicama koje su od uticaja na utvrđivanje iznosa obaveza, a iznos poreza čije se plaćanje izbjegava prelazi iznos od **50.000,00 KM**.

Čime je, svim gore opisanim radnjama, Čorbegović Adnan počinio krivično djelo Porezne utaje ili prevare iz člana 210. stav 1. u vezi sa članom 54. KZ BiH, (Službeni glasnik BiH broj 3/03, 32/03, 37/03, 54/04, 61/04, 30/05, 53/06, 55/06, 32/07, 8/10, 47/14, 22/15, 40/15 i 35/18).

TUŽILAŠTVA - TUŽITELJSTVA BIH